

hujusmodi promisso reddere liberos et indemnes. Datum anno domini 1336 in vigilia b. Bartholom. ap.

Copie des 18. Jahrhunderts in Cop. CIV No. 248^a des Staats-Archivs zu Magdeburg.

129. *Bündniss Heinrichs, Grafen von Hohnstein und Herrn von Sondershausen, und der Grafen Konrad von Wernigerode, Vater und Sohn, mit den Städten Halberstadt, Quedlinburg und Aschersleben gegen die von Reinstein und ihre Verbündeten. 1336. Sept. 10.* 5

Wye Henrich, von der ghenade goddis grebe van Honsthen und herre thû Sundershusen, bekennet unde dîn witlich in disseme openen 10
brebe, dat wye hebbet ghelobit und de edelen herren grebe Conrat van Werningerode und Conrat sin sone vor uns und mit uns den steden Halberstat Quedelingeborch und Asschersleven aller der van Reghensthen viant thû sinde und aller yrer hulpere und alle der de in disseme krighe yre hulpere werden. We enscullen och nene sune oder vrede 15
nemen, et ensi der vorghenanten stede wille. Des sculle wye halden thû Blankenborch den steden thû hulpe viventwintich man ghewapenet want thû sante Martinus daghe de nu thûkommende is und dar na wfteyne. Were nu dat wye yerghen mit enander thu velde quemen, dar wye selben mede weren, dar wye insamment an vangenem vromen 20
nemen, dar sculde wye den besten vangenem thû voren nemen und de anderen vangenem teylen liche na der manne tal. Gesceghe nu dat yman den steden in disser ynunge sunderliche scaden dede, dar sulle wy ouch on thu behulpe sin. Hedden de stede yerghen thû sachende, dar on nykhen recht irvaren mochte, enkunde wye on dar 25
nicht rechtes helpen, so sculde wye on ouch dar na obir verteyn nacht behulpe werden mit der hulpe also, also unse brebe dar vore habin. Wanne dit orleghe ghesunet wart, dar na obir eyn jar scal doch unse ynunge mit dissen sulben steden in allen vorbeschribenen dingen bestan und stede bliven. Thû eyneme orkunde aller disser beschribenen ding 30
und dat wye ganz de halden, ghebe wye dissen breph und hebben unse inghesegyl dar an ghehangen. Dit is ghescin thû Halberstat na de gheburt goddis an deme dūindisthen drehundirsthen sessendrithisthen jare, des dinsetages na unser vrouwen taghe der lateren. Wye Cordt, von der ghenade goddis grebe thû Werningerode, und wy Conrat 35
sin sone bekennet, dat wye alle disse vorbeschribene ding hebbet ghelobit vor greben Henriche van Honsthen, des Sundershusen is, den steden Halberstat Quedelingeborch und Aschersleve, dat he on de ganz und stede halde, und hebben des ouch thû eyner bekantnisse unse ingheseghele an dissen breph ghehangen in deme jare und daghe also 40
dar vore.

Original, von dessen 3 Siegeln noch eins vorhanden, im Germanischen Museum zu Nürnberg.